

Timor - Agape Sulat Knino - God's Love Letter Scriptures

**Nai Yohanes 15:9 "Onle Ama In nek Kau, onane amsa Au nek ki.
Mibala nai ambi Au manekat nane.**

**Nai Yesaya 43:1,2 - Efesus 2:10 Fun hit le i Uisneno es anmo'e kit
natuin Neno Anan Yesus neu mepu alekot, le afi Uisneno
naloitan nani. Uisneno anlomi, he nat'i hit atmoni atbi lasi
nane.**

**Nai Yeremia 1:5 - Galatia 1:15 Mes natuin Uisneno nekan alekot
In anbeti kau na'ko au aina in apun, In anboin kau he tuthae In.**

**Nai Yohanes 15:16 Fun hi es kam beti Kau fa, mes Au es a beti ki.
Ma Au uki'ab ki, he nat'i him nao nai ma mifua nai ma hi fuam
nane nabala. He nat'i him toti sa' na'ko Ama anbi Au kanak, In
anfe nani neu ki.**

**3 Nai Yohanes 1:2 au onen toti he nat'i hom aomin ma ale sa' lek-
leko nok ko, papmese onle ho smanan lek-leko amsa.**

**Nai Yesaya 43:4 - 1 Nai Petrus 2:9,10 Mes hi le nane to mabeti,
ana' fuat knino le antuthae usif, uf le knino neu Uisneno.
Uisneno anbeti ki ma anboin ki hem poi mi'ko mesokan ma
amtam meu In meusine sanmakat, nok salit he nat'i him etun
beno antom In mo'et amkakat sin. 10 Afi hi ka to Uisneno ki fa,
mes muni i him fani In to. Afi In ka nek ki fa, mes muni i hi
mipeni In manekan.**

**Nai Yeremia 31:3 - Efesus 1:4 Uisneno anbeti kit anbi Neno Anan,
nahunun le nabela pah pinan he nat'i hit atfani atoni knino ma
ka malahi fa anbi In human.**

**2 Nai Timotius 1:9 Uisneno namonib kit ma anboin kit het fani In
to. In anmo'e lasi nane ka natuin fa sa' le hit mepu, mes natuin
In bekot ma In amnaut. In anfe nalali kit In amnaut natuin
Neno Anan Yesus nahunun neno fe ka najalib fa pah pinan.**

**Nai Yohanes 3:16 Nok lanan i hit tahin manekan Uisneno. Neno
Anan nana'at nalali In monin neu kit. Es nane hit amsa mes
tana'at hit monik neu hit bae sin!**

**Nai Lukas 12:32 Kais mimtau, pukan an-ana ki, fun hi Ama
natenab leko hen fe ki plenat neno tunan.**

**Nai Matius 28:20 Minoina sin hen panat ale lasi le Au ba'an neu
ki. Mimnau nai Au ok ki piut talan te batan amsoput."**

**Nai Yohanes 14:1 "Kais hi mi'unu nekam, so ampalsai neu
Uisneno ma ampalsai neu Kau nok.**

**Sit Pules 23:1 - Nai Yohanes 10:11 Au atukus alekot Kau. Atukus
alekot nana'at In monin neu ini bibi kase sin.**

**Sit Pules 23:2 - Wahyu 7:17 Fun Bibi Kase le antoko anbi toko
mnatu nane atnanan of anfani sin atukus. In of antopu sin neu
oe mata le anfe honis neu sin. Ma Uisneno of a'nose ale matnu
na'ko sin matan."**

**Sit Pules 23:3,4 - Nai Lukas 1:79 hen tana abit mesokan sin ma
atokos abit mafo maten He nanon hit haek neu lalan halan
pah."**

**Sit Pules 23:5,6 - 2 Korintus 1:10 In es namonib kai na'ko lasi
maten malenat nane. Hai mifnekan neu In, fun In of es
namonib kai anbi neno amnemat.**

**Filipi 4:7 Uisneno In halan nekaf le anfini ale hine, of anpanat hi
nekam ma hi tenab anbi Neno Anan Yesus.**

**Leta Salmon 3:24 & Sit Pules 4:8 - Nai Yohanes 14:27 Au ubela ki
tetus ma aomina. Au fe ki Au tetus aomina. Ma sa' le Au fe ki,
ka on fa le pah pinan anfe ki. Hi nekam kais na'unu ma kais
mimtau.**

**Sit Pules 33:18 - 1 Nai Petrus 3:12 Fun Usif tunan ankiso piut ale
atoni le natuin In lomin, ma Usif tunan natnin piut sin onen
totis; mes Usif tunan antumatan ale atoni le anmo'e amle'ut."**

**Roma 5:2 Natuin Yesus Neno Anan, hit tapeni manuan het simo
Uisneno In manekan. Ma anbi lasi manekat i hit hake ma hit
taliabok fun tafnekan het simo Uisneno In apinat.**

**Nai Yesaya 55:12 - Nai Lukas 19:40 Yesus natae sin, "Bati sin
natena, of ale fatu i sin tekal a'baf."**

**Nai Yohanes 16:22 Onane amsa neu ki. Leku i him susal, mes
Ieka Au mit amteni ki, hi nekam of namlil, ma katit fa atoni
mese he nasik nan hi amlilat nane.**

**Nai Lukas 12:9 Ma sekau natotan Kau bi mansian in matan of
natotan in amsa bi ahake Uisneno sin matan.**

Nai Matius 10:30 Ma hi nakam funun amsa ansoi nani sin ok-oke.

**Nai Yesaya 54:10 - Nai Matius 24:35 Neno tunan ma pah pinan of
anfin, mes Au a'ak of kan finif.**

Nai Matius 11:28-30 Aim nai meu Kau, ale hi ahaet ma aloi mafena, of Au fe ki snasat. 29 Mituin nai Au plenat sin ma minoina na'ko Kau, fun Au nek manone ma nek baun Kau ma hi monim of napeni snasat. 30 Fun plenat le Au fe nane neki halinat ma Au baut nane anmanaf."

2 Korintus 11:2 Leka Nai Yohanes Aslanit anbi o'of amnen antom Yesus Neno Anan In mepu,

Exodus 13:4 - Ibrani 13:8 Yesus Neno Anan ka nabaina fa, afi neno, neno i ma talan te nabal-bal.

Nai Hosea 13:4 - Kisah Rasul-Rasul 4:12 Fun katit kanaf bian al anbi Yesus kanan, ma katit fa kanaf bian bi pah pinan i le anfe neu mansian he nahoni kit nekin."

Nai Yohanes 15:14 Au bae benu es le hi, kalu hi mo'e ale sa' le Au uplenat neu ki.

Nai Yohanes 14:6 Usif Yesus nak neune, "Lanan he mihin Uisneno ma mipeni honis esle' Au. Katit fa atoni mese le he nem neu Ama, kalu ka nao natuin Kau fa.

Wahyu 3:20 Kiso! Au hake bi eno ma Au leuk eno. Kalu anmu'i atoni le amnen Au hanak ma nasoitinan eno, of Au tam u'eku okan; of Au bukae ok in, ma in bukae nok Kau.

Salmon 2:10

Nai Yesaya 49:15,16; & Nai Yesaya 41:13,14

Nai Hosea 2:14,19,20 & Nai Hosea 11:8

**Pastor T. John Franklin
Church of Salvation, Healing, and Deliverance
COS-HAD.org**